


岐黃類証百問活人書



宋進士朱肱先生著

增註傷寒類證
百問活人書

光緒廿三年

廣州儒雅堂重校刊



續刻類證活人書序

傷寒之病日傳一經，盡而復七日之中，治之得當，不盡劑而愈。治違其法，變證靡常。性命存亡，在於呼吸。處方之頃，一命之生死，一家之安危，甚者一脈之延，輒系焉。所關亦大矣。蓋自古已然也。漢長沙太守仲聖，憫之，援伊尹湯液方，著傷寒

論一書為治法之準繩藥病相當效如桴
鼓然詞古義深非好學深思之士沉潛力
索難窺其奧宋朱進士肱鑽研八載而
融會其方以讀之不易而疑似之難辯也
將以經一百一十三方分證編類設為百問益
以婦人傷寒雜方彌補其缺共成二十卷名
之曰南陽活人書蓋述而不作尊善與長

沙而不以自賢也從此讀傷寒論者必誓
循導杖車認南針津逮後人無所止極
實為長沙之功臣原序謂當時印行者
凡五處錯悞頗多重為校刻則在宋時
已有六板流傳至今或有什襲以藏者然
而未見也

國朝刻書之盛為古未所未有獨於此書未

見單行善本。豈僻陋所未知耶。癸未秋
得明刻醫統中本。模糊殘缺。錯悞復多。
而坊間已難得矣。此書若不續刻。朱君類
集之功。活人之志。殆將湮沒。繼絕衍縣。後
人之責。亟付本局。官匠繕雕。三囑趙君靜
涵。任斯校對。以精於醫而博學者也。刻成
發坊。冀廣流傳。庶幾後之學者。循委亮



端淵源得源極危殆之澄而不至以藥保
人也皆朱君之澤也

光緒十年仲秋總理江南機器製造總局
吳潘露序



增注類證活人書序

武夷張 戴

余頃在三茅見無求子傷寒百問披而讀之不知無
求子何人也愛其書想其人非居幽而志廣形愁而
思遠者不能作也惠民憂國不見施設遊戲藝文以
閱歲月者之所作乎邈世匿跡抗心絕慮灌園荒丘
賣藥都市者之所作乎顛倒五行推移八卦積功累
行以就丹竈者之所作乎不然則窮理博物觸類多
能東方朔者耶浩歌散髮採掇方技皇甫謐者耶周
流人間衛生救物封君達者耶前非古人後無作者



中醫藥大學圖書館版

則所謂無求子者余不得而知也三茅三年挾冊抵掌未嘗停手所藉以全活者不知其幾人也惜其論證多而說脉少治男子詳而婦人略銖兩訛舛升劑不明標目混淆語言不通俗往往間閭有不能曉者此余之所以夙夕歉然者也今秋遊武林邂逅致政朱奉議泛家入境相遇於西湖之叢林因論方士奉議公乃稱賈誼云古之人不在朝廷之上必居醫卜之中故嚴君平隱於卜韓伯休隱於醫然卜占吉凶醫有因果不精於醫寧隱於卜班固所謂有病不治得中醫蓋慎之也古人治傷寒有法治雜病有方葛

稚川作肘後孫真人作千金陶隱居作集驗元晏先生作甲乙率著方書其論傷寒活法者長沙太守一人而已華陀指張長沙傷寒論爲活人書昔人又以金匱玉函名之其重於世如此然其言雅奧非精於經絡不可曉會頃因投閒設爲對問補苴綴緝僅成卷軸因出以相示然後知昔之所見百問乃奉議公所作也因乞其繕本校其詳略而傷寒百問十得五六前日之所謂歉然者悉完且備書作於己巳成於戊子增爲二十卷釐爲七冊計九萬一千三百六十八字得此書者雖在崎嶇僻陋之邦道途倉卒之際

據病可以識證因證可以得方如執左契易如反掌
遂使天下傷寒無橫夭之人其爲饒益不可思議昔
樞密使高若訥作傷寒纂類翰林學士沈括作別次
傷寒直秘閣胡勉作傷寒類例殿中丞孫兆作傷寒
脉訣斲水道人龐安常作傷寒卒病論雖互相發明
難於檢閱比之此書天地遼落張長沙南陽人也其
言雖詳其法難知奉議公祖述其說神而明之以遺
惠天下後世余因揭其名爲南陽活人書云大觀五
年正月日敘

青詞

竊以神農嘗藥伊尹論方證順陰陽雖克求於民瘼
時無疫癘蓋有賴於神休瞻彼旻穹哀此黎庶伏念
臣浪遊東土空閱流光箴聞經國之謀端議濟人之
術冥冥長夜憐橫死之無辜斷斷窮年矧餘生之多
病自朝及夕考古驗今首尾幾二十一年前後僅九
萬餘字焦心皓首編筆青編原其微功實自潛祐屬
成書之將

上爰奏牘以先

天恭卽

蘭場肆陳

醺席冀

九清之降鑒祈萬宇於康寧仰獲
證明庶傳永久臣無任懇禱之至

進表

臣聞鍾山非矯幽人躡屨於深林衡岳雖遙志士獻
書於北闕蓋行藏之有數非狂狷所能知中謝伏念
臣出自蔀屋之微嘗奉

大廷之對昔爲冗吏今作閒人乃因三餘著成百問
上稽伊尹湯液之論下述長沙經絡之文詮次無差
搜羅殆盡從微至著蓋不可加亘古及今實未曾有



南京中醫藥大學圖書館藏

載在簡冊圖之丹青思欲膠口而不傳大懼利已而
無益恐先朝露虛棄寸陰學古入官旣無裨於
國論博施濟眾庶或廣於

仁風伏惟

皇帝陛下經緯之文出自

天縱紀綱之治成於

日躋彊宇開拓於版圖弦歌洋溢乎天下棲神內景
屬意生民

收拾人材凡片善寸長皆有所用

勤卹民隱雖沈痾垂老各安其居玉燭亘天以流離



朱草填廷而委積

湛恩滂沛

溫詔下甯致茲丘園一介之愚亦效涓埃萬分之助
藏明大道敷奏彌文楊雄所懷以旣章蔡澤沒齒而
無憾重惟道途脩阻巾笈護持未免客嘲焉令鬼泣
顧因果之有在茲俯仰而不慙儻合

宸衷自驚與議特羈縻於丹竈徒景仰乎公車謹遣
男遺直齋臣所撰書一函八冊共二十卷躬詣

檢院投進以

聞委有觀采伏乞

宣付國子監印造頒行如臣學植淺陋違戾於經
乞委官叅詳然後布之天下以福羣生臣無任
天冒

聖激切屏營之至政和元年正月一日奉議郎致仕
臣朱肱謹上



謝啟

命出于中恩歸有自藝成而下唯濟世可以無嫌祿在其中苟爲貧有何不可如肱者瞿眎遮眼醫書藏身十載投閒憐桑麻之已長一朝就列媿松菊以難存方將穿墨池以灌園安丹竈而息火掃除伎倆淘汰因緣不虞湯液之言偶合春秋之法道俗交慶魚鳥亦驚龍光祇荷於殊恩陶冶實資於大化此蓋伏遇太師相公無心造物有意爲民以人物升沈爲深憂以世諦俯仰爲可媿苟有一得不問其他致茲流落之餘亦在使令之數敢不激昂晚節箠策下愚稽